

究竟瑜伽

者釋如聲聞地又

法摠論合數初有十八品種如

姓持第二發心品即第二發心持餘十六品財等亦分法持如

下廣說問曰前三種持明諸万行三處明何別遂三周明耶義

曰如瑜伽釋家軍勝子釋初持明十二住唯所行之行法第二隨

法明十三住通解如來住明能行之法第三究竟合十三住為

其七地七地者何始從種姓勝解行增上意樂乃至究竟此持

明學成滿重明因果雖三周明義其意不同持者三義一前能

持後如種姓能持發心發心能持菩提以方便故說名持二堪
任名持有種姓者有堪任故三因果名持即種姓等行行發心
能成佛果因果名持論一項中揔有十法十法者何如次文自列
前三瑜伽攝此十法初一瑜伽唯攝持一法第二瑜伽明次四
法第三瑜伽明下五法初持即謂十八品也第四次第瑜伽唯
偏簡三瑜伽所有次第更无別法問此四持中何初得持名於
此持中明三持故一者種姓二者發心三為菩提分法三義名
持廣釋於此故得持名餘至文當解論曰云何名持謂自乘種
姓等下至是名為持釋曰此略問答三持名字何以故下廣釋
此三持此三種持錄曰西方有二說一說種姓持如護月菩薩
取无始法尔種即十信前發心持即十住已前所有發心菩提

分法持即十住已去所行之法護法菩薩義同勸之勝軍論師
義中少別少別者何謂種姓持即无始來有所知障性可斷義
邊說為種姓即義可斷處有无漏種也發心持取十信時有漏
聞思惠等菩提分法義同於前論曰以諸菩薩自乘種姓為所
依止故為建立故有所堪任有大勢力等者此第一解種姓持
義曰今解此文且為二說一者依止種姓故有所堪任勢力得成

纂十

二

勸

勸

菩提即以種姓有所堪任勢力建立大菩提二者以自乘性為依
止故有所堪任成正等覺自乘種姓為能建立故有大勢力證
大菩提種姓為此二釋下解發心菩提分法中点為此二說又
有別異種姓持即法尔種謂十信前二發心持即十信已去三

善提分法持即十解已去又說種姓持謂十信心二發心持謂
十解位善提分持謂十行位雖有此釋未有逗留典故不憑如何
依據又種姓持謂法亦種發心持十信前十劫初發心亦得
取初地真發心亦得論曰住無種姓補特伽羅無種姓故雖有
發心及行加行為所依止定不堪任無上善提釋曰且有三釋
無種姓人實未有時能發善提心義假設為論故為此言雖發
心等是第一說決定二乘種姓亦名無大乘種姓雖復值緣發
善提心亦不堪任故故說雖發心等是第二釋即法亦無種姓
人實雖發心究竟必退不能得彼無上善提此第三說問自發
善提心非求世間果此現行心從何種生釋曰後福分善種生
非無漏種無方便無漏惠故故論云唯以人天善根而成熟之

等論解持異名中亦名為助因依階級前導舍宅者助成果故
能生果故依得果故隨說位故導生智故含藏果故如其次第
配助因等論曰如說種姓取初發心所行加行應知亦尔者釋
曰如種姓有前助曰等義我當知發心等亦尔問曰所行加行
是何前明發心持名行加行今此復名所行加行釋曰所行能
行兩種各異所行之行謂菩提分法能行之行謂彼發心故前
發心名行加行今此文中菩提分法是所行加行兩種別故論
解種姓有二中本種姓習種姓如新熏等三義隨所應立之有
人去護法菩薩取地上名習不取地前十信不生无漏種故生
彼種時名習種姓隨增隨生護月護法義別唯勝軍師本種姓
於所知障可斷義用立之習種姓即十信時取有漏聞思等種

是問曰生見道云何釋云有二義世第一法或與苦法智忍為
增上緣生苦法忍於有為中唯此一无漏不從因緣生二或用
世第一法為因緣生熏習多時巧知障可斷有漏善寂勝寂勝
義故得為因緣親生苦法忍此論何意用為因緣即如後解光

纂十

三

歡

師所立義增上緣生既古所傳故欲別一義故故作是立異立地
上者唯護法義有人云護法入十信時未別生種者不然廣如
別辯如仁王經說有荒地前三心一信心二住心三堅心信
位中名習種姓住者即十住十行廿心合為住心堅心即十迴
向西方尋訪彼經未聞有本雖亦今且會之如彼經意揔說習
種姓為衆多姓即彼經云習種姓者謂在信心即十信位也姓

種姓者謂在住心住心彼經即十住十行名姓種姓問何故彼
經先明習姓後明本姓釋即初猶習名為習姓後習已成姓名
姓種姓故彼先後非如此義問曰何故彼合住心為住心華嚴
等開為住心耶釋曰簡前後故前初發生增上信故故簡異前
既不隣近初見道故故合住心但名一住故十迴向彼經為道
種姓隣近見道无漏道故見道已去名行種姓是被經意今此
論意理必不然姓各別故論解種子鹿細中云又此種姓未習
成果說名為細未有果故已習成果說名為麁与果俱故釋云
此取十信初熏无漏種增語故說鹿細非是餘位云何名俱如
護法義更別成種新生之種与舊種俱可如此釋如護月義但
令舊增即當念中新增之種義說為果舊本之種義說為因故

言俱也又前念望後念雖異剎那因滅果生由因有故能有其
果故說為俱如勝軍義无始有漏善法種名因十信初時因緣
无漏教熏成新種此種是果无始種為因曰果同時故說為俱
也論云於其種種末尼真珠瑠璃螺貝等乃至尚不令他欺因
於彼况當自為者此中意謂人有種種寶心迷倒故不能收捨
不能防護先寄於他心迷倒故不能記憶菩薩能開悟云尚不
令他欺因於彼况當自為論云其性好樂廣大財位於彼一切
廣大資財心好受用樂大事業非狹小門者謂菩薩心廣大故
心好受用非少財位其性好樂廣大財位以事業廣大而非狹
小故又前已明施物雖少而能均布惠施廣大而非狹小今明
性好樂大財位施能均布事業廣大而非狹小与前文少物多物

好樂為異也論云重於法受及重後世者此別明一義謂菩薩
於四法受深生信之重謂深信也四法受如此卷下文自解謂

纂十

四

勤

現在苦樂未來樂苦等及後世報善善深信故言重也又深信
四法受及信有後世故於少罪中尚深見怖何況多罪故不造
過於此戒中具有布施愛語利行同事四攝受法尋讀配之下
點明十業道依文尋之上下復有三種戒義謂律儀戒等宜尋
取之忍中但有耐怨害忍論解精進中具明三種始從謂諸善
薩以下至思擇方便要令究竟明加行精進次凡所施為下至
懈廢退屈明被甲精進於諸廣大第一義乃至何況小事已求
明无法弱精進靜慮中點三種始從謂諸菩薩乃至及遠離所

深生愛慕已來明方便靜慮性薄煩惱下乃至况於親品及中
容品明饒益有情靜慮若見若聞下明引發神通靜慮此解第
三論云於法能受能持能思如十地論世親釋以聞思脩三惠
配之聞謂受記憶持不忘名思即此思能生脩從因為名脩立
名思此別一意更勘十地論別自解釋惠中看意无別明三種
且配之性不煩鈍性不微昧性不愚癡此三句三惠次第配之
已上諸句謂諸菩薩但能成就俱生惠即生得善念能入一切
明處境界即方便善此二句意摠也配三惠下文亦摠明三惠
離過能有力思擇又性不煩癡當加行惠論俱生惠能入一切
明處境界即成就生得善其後得惠起言說故遍於彼彼離放
逸處有力思擇其无分別惠異前後故此中不論又釋此摠論

菩薩惠未必別明三惠論云應知是名能比菩薩種姓麁相等者以菩薩細種姓相難知今以行相比知種姓故言能比菩薩種姓麁相故此段初文云由此相故令他了知真是菩薩其細相決定實義唯佛能知此中且推於佛不言我亦不知古人云弥勒不知者謬也以善戒經云種姓麁相我已略說諸餘實義唯佛能知者豈釋迦亦不知也但知推佛非弥勒不知但言佛究竟知我亦不知究竟可由此義若摠言弥勒不知謬也論云種姓菩薩乃至未為白法相違四隨煩惱若具不具之所染汚等者此中白法謂前六度四隨煩惱如次下自列其无始種姓菩薩未具為四種或不具四染汚時姓与如是六度相應若被四隨之所染汚故白法不現論云若无種姓補特伽羅雖有一切

一切種當知決定不證菩提者相傳云一切有三種者初一切謂佛弟二一切謂學行弟三一切謂三世言无性人雖有佛及所學行三世中決定不證菩提又釋初一切謂佛弟二一切者於所學行无倒執弟三一切謂方便急速翻前三因緣但除根未熟无種智者点得值佛學行急發願等无第四根熟當知決定不證菩提發心品者即弟二發心持如前釋正願以何為躰謂敬信及勝解為躰或後得智為躰故十度中第六是正智後四足後得智願居第八故以後得智為躰若尅性即敬信解為躰然如攝論兩處文自釋若准次下文以決定希求為躰希求之敬也論菩薩窠初發心於諸菩薩所有正願是初正願普

能攝受其餘正願下解發心中又云寂初發心能攝一切菩提
分法殊勝善根為上首故等者此中心寂初正願發心皆益利
故能攝餘願心又此初願心為上首後起願心等皆是此種類
故是初願心攝論云如是應知寂初發心有五種相謂自性等
者即結前五又字義依次配之論云又諸菩薩初發心已即名
趣入大乘至是故發心趣入所攝者此中意明初發心菩薩名
趣入大乘菩薩數此約隨世俗情說為趣入大乘菩薩非真趣
入真趣入者謂初地已去菩薩若彼菩薩即是實義非世俗情言說道
理論云如是應知寂初發心是趣入攝菩提根本大悲等派學
所依止四句之法云四又字義論云四緣四因四力者緣疎因
親力為助伴通明緣因二種故有三別論云十隨煩惱者即下

十種多字是也其間憂苦惡行等是隨煩惱者以隨他煩惱生故名隨煩惱非躋是煩惱又從多為名名隨煩惱躋非是也在隨煩惱門後名隨煩惱論解四因中第二因云賴佛菩薩善友攝受与前四緣中第一緣何別彼緣中但見作神變未攝受教誨今教誨是親故是因也見作神變是疎不教誨故是緣也故二有別因中第三於諸衆生多起悲心与緣中第四末劫時等救度衆生何異者緣中但自創發心令他發心因中代他受苦等是親故因也論云依四境處雖不串習而能發起下中上悲无有斷絕者四境謂前列他自受苦等若見他若見自隨遭一苦起下悲

若見自他隨遭一苦起中悲若見自他受无間大苦起上悲拔

濟又或於四境一一皆能起上中下悲論曰若諸菩薩依上捨
別四緣四因或由自力或由因力或捨二力而發心者當知此
心堅固無動或由他力或加行力或捨二力而發心者當知此
心不堅不固亦非無動者此中意明前四因四緣中若別依一
因一緣或捨由四因四緣而發心者於四力中且依二力謂自
因力此二力中或別依一力或捨依此二力而發心者此皆堅
固不動若別依他及加行力或捨二力而發心者此不堅固亦
非無動若勘四緣中初緣是近佛菩薩等今此文者別依捨依
皆堅不動他力亦是謂佛菩薩等他即在不堅固非無動中收
此何相違述曰不然他力者謂王及有力者逼令發心非如見佛菩薩
見佛菩薩自發心自發心在緣中收故不動為他逼發心是他力

故動收又加行力是不堅固非无動收加因中第二因善友攝受是堅固不動收此何意也述曰非也善友攝受是見菩薩教行行等所逼之緣勝以加行力中雖逼發心乃世間之善士非如菩薩故有別也又釋且約一義此中判為堅固不動等如寶者約因中有動不堅固者他加行力中有不動等者且約一義別故為此論也論云有四因緣能令菩薩退菩提心何等為四如文自列此与前四因相連勘翻之即是論云攝眷屬過有其二種謂於眷屬饒益損減染污連順如是二事者謂於連起損減染污於順起饒益染污故名二事論云由此菩薩成就如是无惱害福得倍轉輪王護所守護者以輪王福等謂諸惡兜𩑦所不能近福餘身无病福勇猛作義利福无倦說法福度重轉

輕福用呪多驗福此中言呪句明句者謂呪句沆尔明句即呪有明辞或此呪有明力威神大者名明句衆生用之无驗菩薩用之即有驗非惱有情柔和忍辱福隨惑微薄福在國无灾福速脫惡趣福能厭諸苦福自他利品自下十六品即持第三菩提分法就此一持十六品中大分為三即論云略說菩薩若所學處若如是學若能備學依舊遠法師云自下發心持有二初之五品明所學法次十一品明其學行今日不然依此論云有

纂十七

勸

三種所學處即前五品所學之處是第一若如是學即第六一品明如是學指所學法當第二也若能備學即餘十品明能行人當第三也初所學處有五品七法七法者何如文自列五品